


CIMELIA

Qu

5388



Hist. pol.



1891. IV. 142

Cim. Gu. 5388.

L'Oraison du Seigneur

JEAN DE ZAMOSCIE,
GOVERNEUR DE BELZS
& de Zamech, l'un des Ambassadeurs enuoyez
en Frâce par les Estats du Royaume de Poloigne,
& du grand Duché de Lithuanie.

Au Serenissime Roy eleu de Poloigne, HENRY, Fils & Frere des
Roys de France, Duc d'Anjou, &c. Sur la Declaration de
son Election, & pourquoy il a esté preferé aux autres Competi-
teurs. Où l'estat present d'iceluy Royaume est proposé au vray,
& ce que les Polonnois attendent de sa Majesté. Traduitte de
Latin en François par Loys Regius, suiuant le commandement
dudit Seigneur Roy, & à la requeste des Seigneurs Ambassadeurs.



A P A R I S.

Par Federic Morel Imprimeur du Roy.

M. D. LXXIIII.

AVEC PRIVILEGE.

LES NOMS DES AMBASSADEVRS ENVOYEZ
PAR LES ESTATS DV ROYAVME
de Poloigne, & du grand Duché
de Lithuanie.

Adam Corarki de Cobilino Euesque de Posnanie.

Albert de Laski Palatin de Stradie.

Iean de Tomice Castellain de Gnesne.

André Comte de Gorke, Chastellain de Medirecie, Capitaine de Gnesne, & de Valce.

Iean Herbourt de Fulstin, Chastellain de Sanoc, & Capitaine de Premislle.

Nicolas Christoffe Radiuil, Duc de Olice, & Mefnis, Marechal de la Court du grand Duché de Lithuanie.

Iean de Zamoscie, Capitaine de Belzs & de Zamech.

Nicolas Firlei de Dambrouiza, fils du Palatin de Cracouie, Capitaine de Cazimirie.

Iean Sbourou, Capitaine de Odolanouie.

Nicolas de Tomice.

Alexandre Pronski, fils du Palatin de Kiouie.



L'ORAISON DV SEIGNEVR

JEAN DE ZAMOSCIE GOVVERNEVR
de Belz & de Zamech, l'un des Ambas-
sadeurs enuoyez en France par les Estats du
Royaume de Poloigne, & du grand Duché
de Lithuanie.



IRE, si deputez par les Estats de
Poloigne & de Lithuanie, offrions
le Royaume à autre qu'à vous, qui
estes tres-excellent, non seulement
en noblesse & richesse, mais aussi
en prouesse & prudence: il nous
conuiendrait maintenant magni-
fier d'avantage ce present, & parler plus au long de
tout le deuoir Royal, en admonestant & exhortant
le Roy élu à aimer l'honneur, & dresser ses pensees
à entreprises dignes de ceste eminente dignité. Mais
puis qu'en l'assemblee generale conuoquee à Camon
pour elire vn nouveau Roy, Dieu a tellement con-
duit les volonteiz des nostres, qu'ils ont accordé en
ce qui concernoit la conseruation & dignité publi-
que, esperans toutes les difficultez & incommoditez

ORAI SON DV SEIGNEVR

troublans nostre estat presentement, estre en vostre regne facilement ostees, il ne nous est besoing en ce plus insister. Tels propos estoient cy deuant necessaires aux Ambassadeurs enuoyez pour querir les Roys eleuz, fils d'autres Roys ayans beaucoup auancé nostre liberté & estat, que noz ancestres vouloiēt regner sur eux. Ce qui toutefois nous succedoit tant heureusement, que par les biens-faiets des nouveaux Princes, il estoit amplement satisfaiet au deuoir dont vsions enuers les defuncts. Mais maintenant que cest honneur souuerain n'est par nous donné à vos deuanciers, ains à vous, apres ce iugement tant honorable qu'auons faiet de vous, il n'y a plus occasion de vous admonester, ou exhorter. Puis donc qu'à vous & aux autres Ambassadeurs cy presens, Senateurs tres-honorables, & Seigneurs tres-nobles, il est enioinct apres qu'en Poloigne au lieu de Camon vous auez esté élu Roy par le consentement fauorable de tous, vous declarer aussi Roy par deçà en ce lieu tant venerable, & en si grande compagnie, suiuant nostre ancienne coustume. Je m'estimeray auoir deuëment satisfait à ceste charge, si deuât la declaration solennelle ie vous touche en brief, premierement les causes qui nous ont meu de vous eleuer par noz suffrages à la dignité Royale: en apres, quel Royaume vous aurez: finablement, ce que les nostres ne requierent tant, qu'ils attendent & se promettent de vous. En exposant lesquels poincts, comme il

me il conuienne parler de vous & de nous, i'vseray de telle moderation, qu'ayant esgard à vostre personne, deuant laquelle ie parle, & à nostre modestie, ie sembleray parler de vous peu, pour l'importance de l'affaire: & de nous, modestement. SIRE, plusieurs moyens en nostre endroit vous pouuoient auancer à la dignité Royale, cōme la Noblesse de vostre race inferieure à nulle autre qui soit au mōde: la splēdeur du nom François, les grandes commoditez qui nous pouuoient aduenir par Roys de mesme sang regnans sur nous, & sur les François, establie par leur moyen entre nous & les peuples de France, voire alliance & confederation: & avec ce, les conditions tres-equitables de regner, & de maintenir & accroistre nostre droit, & l'auantage nous aduenant par les reuenus de vostre patrimoine. Encores pourroit-on estimer la seureté auoir aucunement aidé à elire Roy de celle nation, avec laquelle n'eusmes iamais en general publiquement guerres ou inimitiez, mais à peine en priué querelle aucune particuliere par si long espace de temps. Sire, tous ces poincts ne font de petite consideration: Mais si lon y prend garde de plus pres, on les trouuera aides de vostre cause, non motifs principaux. Car en premier lieu, si aucune race meritoit cest honneur souuerain, certainement il appartenoit à quelque prochaine de lignage aux Jagellons, si la disposition presente des affaires ne l'eust empesché. Car tres-volontiers nous confessons tant

Oraison du Seignevr

deuoir aux Iagellons, que defaillant leur race, il en
deuoit reuenir quelque fruct à leurs alliez : d'autant
que par leur conseil, vigilance, loix, nous recognois-
sons plusieurs parties de nostre estat tresbien fon-
dees & establies, Nostre liberté asseuree & augmen-
tee, la Seigneurie qu'ils auoient receuë des Roys pre-
cedés doublee par l'vnion de la Lithuanie, recouure-
ment de Prusse, & protection de Liouonie. Vous ne
trouuerez mauuais, Sire, que ie compare à la noblesse
de la maison de France, celle d'Autriche, dont les
Princes par la reputation de leur iuste & moderee
domination, ont esté requis de plusieurs peuples,
ayât desia iouy par lōgues annes de tant de Royau-
mes riches & puissans, mesmement de l'auguste di-
gnité de l'Empire Romain. Ie ne parle point de Iean
Duc de Moscouie, descendu d'anciēne & continuee
noblesse, & touchant par affinité aux Empereurs
Grecs. Laquelle splendeur il a neantmoins souillee
par la rudesse de ses mœurs. Mais entant que concer-
ne la gloire du nom Gaulois & François, nous sça-
uons qu'elle est maintenant, & a esté de tout temps
grande, comme l'attestent non seulemēt voz Anna-
les, mais aussi celles des Grecs, Romains, & de plu-
sieurs autres, mesmement les nostres. Nous sçauons
les Gaulois auoir faict anciennemēt grandes prouës-
ses par armes, qu'ils furent plus de trois cens ans for-
midables aux Romains, quelquefois seigneurs du
monde, & prindrēt Rome mesme, siege de l'Empire,
que

que non seulement en Europe, mais aussi outre mer, en Asie, ils subiuguerent plusieurs peuples, establirēt Royaumes. Nous estimons aussi les armes des François auoir esté n'aguers illustres, & comment maintenant l'art & discipline militaire fleurist entr'eux. Nous les sçauons auoir esté dès le commencement tresslouables en toute sapience, pieté & humanité, & auourd'huy contendre en toute sorte de lettres, & ciuilité, avec l'Italie vnique nourrice de sçauoir exquis, d'artifices, & polie courtoisie. Nous les sçauons ne ceder à autre gent quelconque en integrité, iustice, fidelité, temperance. Je me tais des autres nations, lesquelles vous estimez autant qu'ont accoustumé estimer ceux, qui se confians en leur propre vertu, ne portent enuie à celle d'autrui : Je parle seulement de celles dont les Princes ont enuoyé Ambassadeurs en nostre assemblee. Vous appelez les Germains voz freres, vous ressemblans en toute vertu, comme fils vous estoient gemeaux, dont le nom a esté donné à ceste vertueuse & vaillante nation. Et nous loüons leurs entendemens stables & solides, la constance en leurs faicts & dicts, & sincerité incorruptible, leur vaillance asseuree, & magnanimité inuincible. Nous n'estimons moins les Sueciens, venus de mesme origine que les Germains. D'auantage nature ne nous dissuade, & verité n'empesche que desestimions noz faicts & noz mœurs, & que dedaignassions obeïr à Roy de nostre sang, attédu qu'en Poloigne, Lithua-

P R A I S O N D V S E I G N E V R

nie, Ruffie, ne defaillent perfonnages, lesquels iaçoit que ne soient de fang Royal, neâtmoins ont le cœur Royal, excellemment prudens, vaillans, vertueux, & bien entendus au faict de paix & de guerre. Il est apparu par P I A S T E, qui n'auoit eu iamais charge, & n'estoit de noble lignee, que constituames nostre Prince, & par ses successeurs qui ont dominé fur nous plus de cinq cens ans, & establi de mœurs & de loix nostre liberté, dignité, & Republique, laiffans le Royaume ample en long & en large, & fleuriffant en puiffance & gloire, que nous auons depuis baillé aux Iagellons. Il est, dis-ie, apparu le fçauoir ne nous auoir defailli au gouuernement & administration du Royaume, ny le courage à le defendre & eslargir. Quant à la Lithuanie, cōme les Polonnois en eussent receu Iagellon pour Roy, apres qu'il eut en Poloigne fait cognoistre fa magnanimité & moderation, les Hongres requirent son fils Vladiflas de les gouuerner, luy baillans ce Royaume tres opulent. Puis les Bohemiens, & apres les Hongres, eleurent Roy autre Vladiflas son arrierefils, qui laiffa ces deux Royaumes à Loys son fils. Il n'est befoing que ie recite comment Chriftierne chassé de son estat, & Loys occis battaillant avec les Turcs, les Royaumes de Suece, Hongrie, & Boheme furent offers à Sigismond premier du nom, frere de Vladiflas, & par luy de courage Royal refusez. Lesquels feirent preuue à leurs subiects de leur equité & integrité, se monstrans desireux

fireux d'honneur: & luy regna sur nous avec telle reputation & estime, qu'il a esté par le consentement de tous appellé pere des Roys. Je pourrois parler d'Olge, de Volodimir & autres, pour faire entendre que nous autres Russiens n'auons ignoré l'art de regner: mais ce n'est où tendons maintenant. Au reste n'y a doute que la France n'abonde tellement d'armes, hommes, nauires, reuenus, fruiçts, & variété des choses que lon en transporte ailleurs, qu'aduenant confederation avec les François par le moyen du Roy vostre frere, & de vous, & traffique constituée equitable & iuste, n'en receuions grand profit. Mais aussi aurions-nous plustost secours des Royaumes tenus par ceux d'Austriche, & de Suece, à cause du voisinage, ou noz marchâds traffiquent plus aisément, & avec plus de profit, & espereroient à l'aduenir traffiquer. Et quelle rudesse ou iniustice craindrions-nous de voz Competiteurs en leur baillant noz voix & suffrages? Premierement chacun d'eux promettoit obseruer noz anciennes loix de regner, & en proposoit volontairement autres tresdignes & honorables: Puis nous exhortoit en demander telles que voudrions, suiuant le pouuoir qu'ils voyoient nous auoir esté delaisné par noz ancestres, & ne refusoient confirmer par serment les requises par nous, tant publiques que priuees. Pourquoy donc eussions nous douté de la foy des Princes naiz à saincteté & constance, & liez par serment? Et craindrions nous

ORAI SON DV SEIGNEVR

quelque violence de l'esprit doux & posé du Roy de Suece? Et pour la pieté, grauité, continence, beneficence des Princes d'Austriche, perpetuelle, & cogneuë par longues anneés des subiects de tant de nobles Royaumes, attendrions nous pariure, legereté, auarice, outrage, signamment de celuy qui n'est seulement né en celle famille, ains de son enfance tellement eleué & institué, qu'outre les exemples de ses deuanciers, & de son bon pere, il est orné de toutes vertus conuenables à bien commander, confirmant la bonté de nature par nourriture & discipline? Il n'y auoit danger que celuy auquel baillerions ce souuerain magistrat entreprint quelque cas cõtre noz loix & coustumes, & contre la liberté de nostre gent & de nostre nom: qui par la viciscitude de fortune eust apprins obeir & commander avec raison equitable, auant qu'estre promeu en haut lieu, vsant de droit commun & mesme avec tous, auant qu'il eust corrompu par la douceur goustee de commander, le sentimēt de bien regner, & qu'il eust esprouué quelle domination est dure & tolerable aux hommes libres d'entendement, & quelle leur est agreable & plaisante. Quant aux biens & reuenus de vostre patrimoine, si nostre Roy eust tenu vers le Midy, Orient & le North, les riués de la mer Balthique, & commandé à presque toute la mer Balthique, quelles commoditez en reuenoient en priué & en public, quels subsides & aides à noz finances? Que diray-ie
del'ad-

de l'adionction de Moscouie, des thresors amassez par plusieurs annees, des grands reuenus, de l'estendue de la Seigneurie, diuersité des peuples, nombre des Prouinces, multitude de gens de guerre, abondance de marchandises? Neantmoins par la creation d'un Roy commun, assemblees en un les forces de Poloigne, Lithuanie, Moscouie, & communiquee la Seigneurie, s'eleuoit & constituoit un grand Empire, duquel la force se pouuoit opposer non seulement aux armées des Turcs, mais aussi donner esperance à toutes les nations Chrestiennes d'affoiblir & rompre l'immense puissance des Othomans, & de recouurer la louange militaire, & les pais perdus. Lesquels moyens d'augmenter nostre reuenue, quand ores d'ailleurs ne nous seroient offerts, toutefois le terroir de Poloigne & Lithuanie porte tels fruiçts à nostre estat, & telles commoditez d'accroistre sans outrage ses reuenus, qu'il semble auoir plus besoing de prudente administration, & d'institution, que de pecune estrangere. Nous n'eusmes iamais aucunes querelles avec les François, ny causes aussi de quereller, estans si eslongnez d'eux, ny pareillement aucunes haynes. Il y a tousiours eu bienueillance mutuelle constituee par quelque similitude de nature & de mœurs. Que si l'y auoit quelque esperance és François, nous fauorisans par inclination naturelle, nous la deuons aussi auoir en noz amis prochains. Il conuenoit auoir esgard à la fidele amitié des Bohemiens

ORAI SON DV SEIGNEVR

establie par traictez publicques, à la cōmune origine & langue, à la memoire de Lech & Cech freres, fondateurs & Princes, l'un de la Seigneurie de Bohême, l'autre de Poloigne. Que diray-ie des Hongres, qui ont communiqué souuent leurs fortunes avec noz dangers? Nous auons combattu pour eux, eux pour nous, & se sont tant entre-aymees ces deux nations, qu'en quelque ligue il a esté expressément porté, que les Hongres ne guerroyroiēt iamais cōtre les Polonnois, ny les Polonnois contre les Hongres, encore que leurs Roys le voulussent. Et sembloit bien que les Hongres & Bohemiens eussent iuste cause de repeter mesme honneur de nous, qu'ils nous auoient faict: & comme parauant ils auoient prins Roys de Poloigne & Lithuanie, semblablement nous receussions le frere, fils & arrierefils de ces Roys. Je ne parleray point de l'ancienne ligue de Suece, de Poloigne & Lithuanie, laquelle par alliance & affinité nouuelle de leur Roy avec le nostre, a esté continuee avec plusieurs bons & grans offices faicts & receuz de part & d'autre. Nous auons eu guerre pour la Prusse avec les Cheualliers Theutoniques croisez, & avec l'Empereur Henry cinquiesme du nom, & combattu en la campagne d'Vratislauie: Mais ces guerres ne procedoient de dissension naturelle qui soit entre ces nations, qui n'y est point, & n'estoient entreprises par le decret publique de l'Empire Germanique: ains furent esmeuës par priuez conseils pour querelles priuees

priuees. Au reste l'amitié nous est demeuree vraye & entiere avec les Allemans. Car pourquoy reciteray-ie les saintes ligues par nous faictes & souuent renouuellées avec les Empereurs? Les pactions pleines d'amour & bons offices avec les maisons d'Austriche, Bauiere, Brandebourg, Stetin, Michelbourg, familles principales d'Allemaigne? Les alliances d'Austriche, Bauiere, Saxe, Brandebourg, Hefs, Stetin, contractées avec noz Roys, les biensfaicts communiquez avec ceux de Brandebourg & de Stetin. Combien donc, SIRE, que ne contemnions l'utilité, faueur & ornement qui nous peut aduenir de vous, & nous esiouissions voyans en vous toutes les choses que voyons és autres: Toutefois, d'autant qu'elles sont hors vous, & ne doiuent estre estimees tant vostres que fortuites, ne nous ont esmeuz de commettre à vostre seigneurie & foy, le salut de nostre Empire, & noz biens. Le grand corps de nostre Republique auoit besoing de chef, Il auoit besoing d'un homme. Vous n'ignorez, SIRE, la splendeur d'une grande & excellente vertu estre apperceuë de pais loingtain, & mieux venuë. Car comme la lueur du Soleil, si elle est regardée de pres, elle esblouist noz yeux par leur imbecillité: Ainsi les considerans l'eminente vertu de celuy qu'ils voyent continuellement, & avec lequel ils conuersent ordinairement, corrompus d'enuie, la cognoissent à peine. Et comment le Soleil à le voir de loing semble estre

ORAI^{SON} DV SEIGNEVR

beau, comme il est, & aymable: aussi la vertu est mieux & plus veritablemēt estimee & aymee par les estrangers, non empeschez par hayne, ou autre perturbation d'entendement. Dont il aduient que la renommee de vertu excellente, apres qu'elle a vaincu l'enuie des siens, elle passe facilement és pais lointains, & fleurist tant plus qu'elle va en auant. Au contraire la louange faulse, excitee par la flatterie des familiers, euanouist au mesme lieu où elle est excitee, comme la fumee s'esleuant vn peu par dessus le feu d'où elle sort, cesse incontinent. Comment donc vostre admirable & diuine vertu, colloquee principalement en si haut & illustre lieu, nous a elle peu estre incogneüe? Nous auons tousiours estimé toutes les nations Chrestiennes, & tous peuples estre contenuz sous vne Republique. Parquoy demourans és extremitez de Chrestienté, & assis comme en vne veille perpetuelle pour la Republique Chrestienne, Croyez-vous que noz gens dés le commencement ayent pensé seulement au present, & non à l'aduenir? Et que deslors qu'elle a commencé à decliner, esmeuz par les calamitez de leurs alliez & leurs propres dangers, ils n'ayent enquis diligemmēt quels Roys, avec quel courage & conseil commandoient aux peuples Chrestiés? quels enfans ils auoient? de quelle esperance? Et combien ils estoient desireux d'honneur? Qui seroit celuy d'entre eux qui sembloit pouuoir principalement releuer & redresser presentement

tement ou à l'aduenir la Republique Chrestienne affligee, & pour la plus grande part ruinee? Pensans à cecy iour & nuict, comme auoient faict noz peres & ayeulx, & cherchans diligemment puis quelques annees, nous vous trouuions entre autres eminent personnage, & excellent, créé par nature à magnanimité, prudence, & à toutes vertus. Nous auons perdu vn Roy, le dernier de la lignee Jagellõne: la cõdition de nostre estat, & de la Republique Chrestienne, l'amour enuers la patrie, nous ont retenu en cõcorde & accordans armes cõtre la force estrangere, si de quelque part eussions esté enuahis. Tellement qu'ayans la paix au dehors, & au dedans, selon la coustume ancienne, estant proposee perte de la vie & des biens avec note d'infidelité & d'infamie, pour reprimer ambition, corruption, auarice, dissensions, nous auons eu loisir de deliberer sur la creation d'un nouveau Roy. Personnages nobles & excellens ne defailloient, comme i'ay dit, en nostre nation, suffisans à regir & administrer le Royaume, pour leur prudence, sagesse, grauité, iustice, fortitude: Toutefois il nous conuenoit regarder & aduiser songneusement de pourueoir non seulement à l'estat & au temps present, mais aussi que ne semblissions auoir peu preueu l'aduenir. Parquoy n'auons voulu proposer exemple dangereux, qui ostant la moderation ciuile, & introduist cupidité de dominer, incitant à seditions & guerres intestines, & semer discorde, la-

ORAIŒON DV SEIGNEVR

quelle nous liŒons anciennemēt auoir ruinē de grans Empires, qui n'auoient peu eŒtre deŒfaict̃s par aucune violence eŒtrangere, & voyons en ce temps, à noŒtre grand regret, auoir diminuē ou deŒtruict̃ des floriffans Royaumes. En eŒliŒant le Moscouite nous hazardions noŒtre libertē, par la ferocitē qui luy eŒt naturellemēt innēe. L'adminiŒtration de deux Royaumes faŒcheux à gouuerner, eŒtoit difficile à Iean Roy de Suece, laŒŒ de tant de trauaux & aduerŒitez, attendu que les affaires & dangers de l'vn & de l'autre ne permettoient leur Roy Œ'abŒŒter. Nous eŒtimions ErneŒt d'Autriche, ieune Prince de bonne nature & grande eŒperance, & qui pourra cy apres faire beaucoup d'auantage & d'honneur à la ChreŒtientē, & ainŒi le deŒirons pour le bien commun de tous ChreŒtiens, mais voyons Œon aage n'ētre encore idoine à regner. Et bien qu'elle en Œoit peu diŒtante, toutefois conŒiderans les affaires humains & leurs euene-
mens variables & incertains en ce voiŒinage d'ennemis meŒcreans, barbares, cruels, & treŒpuiffans, le temps brief en cela nous deuoit Œembler trop long, dur & perilleux. Donques nous vous recognoiŒŒŒons Œeul deŒtinē par la prouidence diuine à ceŒte charge, & à ce tēps, ornē de toutes choŒes requiŒŒes à vn Œouuerain & parfaict̃ Roy, meŒmemēt de vertu approuuee & celebree. La Religion eŒt le fondement de tous Royaumes. Car le Œouuerain pere & faēteur de nature a pour ce eŒŒabli les Royaumes: & combien qu'il
n'ait

n'ait peu desparty de son pouuoir aux Roys, toutes fois il regit & maintient par sa volonté & puissance les Princes & Estats, à fin que le pur & vray seruice diuin y soit entretenu & conserué. Parquoy nous auions besoing premierement de Roy, qui par son exemple recommandast la religion aux hommes, qui iournellement seruist, venerast & priaist Dieu, obeïst à sa volonté, le craignist, comme voyant tous ses faicts & pensees, le reueraist autheur de tous biens. Nous vous sçauions tres-deuotieux, & diligent obseruateur de religion: comment avec le Roy Treschrestien vostre frere, vous auez prins beaucoup de soucy & de soing, enduré plusieurs trauaux, à fin d'appaiser les differés excitez par les disputes des hommes doctes sur le faict de Dieu, & de son seruice, & d'obtenir la felicité eternelle apres nostre trespas, & que l'ancienne Religion fondee par Iesus Christ, fils & messager de Dieu, ne fust tant maintenue par force, & par armes, que par l'autorité de l'Escripture sainte, & la doctrine donnee & receuë des Apostres. Et que pouuiez mettre à effect ceste grande & memorable entreprise en paix, & sans effusion de sang, si l'insolence & ambition de quelques vns, ou quelque occulte destinee (estant Dieu offensé & courroucé) n'eust incité les partialitez aux armes ciuiles, & à guerres intestines. Il conuient que celuy auquel est commis le salut de plusieurs personnes, & le souverain maniemment d'affaires, soit aduisé en toutes ses

Oraison DV SEIGNEVR

actions, & preuoyant en ses entreprises. Nous cognoissions vostre valeur à discerner les commoditez & incommoditez, conseil à preuoir le futur, industrie à l'execution & expedition d'affaires, durant les troubles qui ont beaucoup trauaillé vostre maison, & toute la France, depuis le commencement de vostre aage, & de vos freres, iusques à maintenât. Comment à les assopir & appaiser le Roy Tres-chrestien vostre frere s'est tousiours aydé & serui de vostre industrie & conseil, se reposant sur vous de ses principaux & plus importants negoces. Tousiours en la creation des Roys a esté cherché par toutes gens vn droit equitable, en sorte que le Roy ne s'abstint seulement d'outrager, mais aussi preseruaist les foibles d'estre outragez par les plus puissans. Nous auons d'oc eu besoing de Roy iuste. Nous vous cognoissiois auoir tousiours esté tresloigneux d'equité, n'auoir iamais rien fait par auarice & volonté desordonnee. Et n'est seulement necessaire au Roy d'empescher les siens d'estre outragez, ains plustost de repousser la force estrangere, signamment celuy qui regne sur gens, où par les loix il a l'intendence souueraine de la guerre. Nous auons donc besoing d'un Roy courageux, sçauant & experimenté au faict des armes. Nous ne pouuions ignorer, ce qu'à peine autres gens par le monde ignorent, comment en la guerre civile de France, grande & dangereuse, auez esté en vostre premiere ieunesse chef de l'armee du Roy vostre frere,

Roy de
Poloigne
Intendant
souuerain
de la guer
re.

frere, & qu'en l'aage, où il aduient aux autres veoir à peine les osts, auez cōbattu à enseignes desployees, & vaincu les ennemis. Comment iusques à present, en conduisant la charge militaire, n'avez succombé à dangers ou trauaux quelcōques, que iamais l'amenité ou plaisir, ny le repos, la faim & soif, ne vous ont destourné de la deliberation, expedition & execution de voz entreprises. Rien n'estre suruenue que ne feissiez vous-mesmes, ou preucissiez par vigilance, ayant par vostre industrie, principalement maintenu le tres-ancien Royaume de France avec les vies & biens des subiects. Entre les peuples libres, les Roys sont instituez pour leur vtilité. Parquoy le Roy doit en public & en priué pouruoir à leurs cōmoditez & auantages, ne commettant aucune insolence, cholerie ou aigreur, cōtre aucun d'eux. Il nous falloit donc vn Roy ayment la Republique, bien-faisant & clement. Nous entendions qu'aimiez singulierement vostre patrie, estiez liberal enuers les vostres, doux & gracieux: estimant vos biens n'estre tant vostres, que de la Republique, & de ceux qui vous ont assisté en vos affaires & dangers. Comment vous estes tousiours monstré affable à tous, auez retenu la cholere troublant la raison, & désiré non punir ceux qui auoient porté les armes contre leur Roy, ains les reconcilier à luy & à la patrie, n'estimant aucun d'eux ennemy, si l'estoit armé en bataille contraire. Que diray-ie de vostre grande foy, constance, continen-

ORAISON DV SEIGNEVR

ce, & autres vertus que vous auez toutes entierement comprises? A cause desquelles, SIRE, non par la faueur des Seigneurs passans, ou par le grand credit de quelques vns, qui pouuoit peu enuers telle multitude, liberté & integrité de ceux qui auoient à donner leurs suffrages, ains par le commun consentement de tous les peuples & Prouinces, esquelles nostre Roy-aume est party, & par la voix de tous hommes auez esté eleu Roy. La longueur & difficulté du chemin proposee, ny les propos semez par quelques vns, pour vous rendre odieux, ne nous ont empeschéz. Nous n'auõs refusé aucun labeur tant grãd qu'il fust pour l'amour de vous, estimans qu'il ne se trouueroit passage fermé à si grãd personnage, & iugeans l'enuie procedant de vertu estre gloire, non enuie. Je ne parleray plus de vous, estant contrainct par vostre presence mettre fin à ce propos.

*L'estat
present du
Royaume
de Poloig-
ne, &
le pou-
voir du
Roy en
iceluy.*

I' A Y exposé les raisons pour lesquelles les Estats de Poloigne & Lithuanie ont estimé leur souuerain Empire vous deuoir estre enuoyé: Dorenauant ie declareray quel est ce Royaume, qui vous est deferé. Or ne vous deduiray-ie l'estendue au long & au large de Poloigne & Lithuanie, ny raconteray les pais & peuples associez en communion de droit & de Republique, ny les Royaumes parauãt nobles, reduicts en forme de Prouinces, puis incorporez à nostre estat. Je ne reciteray les raisons de noz reuenus, ny la varieté des fruiçts, ny la fertilité merueilleuse du terroir,

terroir, ny l'abondance de bleds, ny la bonté du pasturage. Je ne parleray du domaine public, ny des contributions qui se leuent sur les villes, & sur les champs. Je ne parleray des traictes & peages des marchandises, dont la plus part ne sert tant au luxe qu'à l'vsage necessaire de la vie, & dont les païs voisins ne se peuuent passer. Je ne mesureray la longueur du riuage de la mer Balthique que possedons depuis la Pomeranie Stetine iusques en Suece & Moscouie. Je n'estimeray les opportunitiez des riuieres, & moyens d'establir nouueaux ports & marchez, non les commoditez des anciens, non les mines de fer, plomb, estain, sel, tel qu'il s'en trouue à peine ailleurs. Toutes lesquelles choses sont profitables, & par diligence & soing se peuuent rendre meilleures. Car estans constituez entre les plus grands Empires du monde, & entre nations tres-belliqueuses, nous n'auons encores si soigneusement accômodé ces moyes que par bon mesnage ne puissent estre meliores. Mais ie me tairay de ces choses. Car nous ne sommes tels, qu'il nous desplaist veoir les reuenus de nostre Roy en ceste abondance de toutes choses, ne respondre en nombre de finances aux reuenus des autres Roys, qui se pensent tresriches & heureux à compter leur argent, & trouuent moins heureux & riches à le despendre. Et n'estimôs ceste recommandation de nostre royaume valoir tant enuers vous, qui estes né à louange, que celle là, qu'il ne vous pou-

ORAI SON DV SEIGNEVR

uoit eschoir autre Royaume plus cōuenable à vostre
excellente vertu, ne país plus apte & desirable à faire
paroistre la lumiere d'esprit & entendement. Je sçay
les Roys estans ministres en terre de la diuine puis-
sance, pour soustenir le fais de ceste grande charge
deuoir estre suffisamment fournis de tous les moyēs
necessaires au maniement des grāds affaires, & auoir
toutes vertus en leur esprit, surpassans les autres par
icelles. Mais les plus recommandables & eminentes
apres la Religion enuers Dieu, duquel procede tout
ce qui est droiturier & louable, sont celles-cy, Ma-
gnanimité, Liberalité de nature, Munificence, & Sa-
pience moderatrice de toutes actions. Car attendu
que la puissance est aucunement communiquee par
Dieu aux Roys, ainsi que la Maiesté & puissance de
la diuine nature est par les mortels en luy apperceuë
& veuë, entant que gouuernāt & distribuāt tout tres-
sagemēt par l'intelligence & raison, il profite & pour-
uoit principalement à la vie des hommes, & en l'ad-
ministration des choses humaines & de tout le mon-
de, il monstre la puissance de sa diuinité. Ainsi louōs
nous à pleine bouche es Roys courage de haute en-
treprise, & sans peur, aymons le desir de profiter
aux hommes, & leur bonté, reuerons la profondeur
de leur intelligence & cōseil. Ces choses estans ainsi,
ie dis que ne pouuiez obtenir Royaume plus conue-
nable pour monstre & exercer ces vertus entiere-
ment Royales. Premierement, entant que concer-
ne la

ne la vigueur de vostre magnanime & esleué courage, & l'exercice de l'honneur militaire, vous n'aurez faute en nostre endroict de guerres iustes & religieuses. Vous avez commandé ces ans passez aux armées de France, & réporté illustres victoires : mais ces guerres, encore qu'elles fussent necessaires, toutefois entant qu'on combattoit avec ceux qui attouchoient prochainement par communion d'origine, de sang & de tout droit diuin & humain, elles ont esté à l'une & à l'autre partie malheureuses & pitoiables. Du costé de la Chrestienté nous auons prochaine & contiguë vne partie de l'Empire Germanique, & du Royaume de Boheme : nous touchons aussi par l'extremité de Liuonie les frontieres de Suece, par où elle borne l'emboucheure de la riuere de Narue, estans au reste separez d'icelle par mer. D'auantage la Hongrie & Transsylvanie nous sont iointes, où noz amis & alliez tenoiēt vn Royaume treflorissant, qui a esté fort affligé par les armes des Turcs, & subiugué pour la plus grande partie. Puis suiuent les Moldaues subiects & tributaires des Turcs, & le pais de Bialogrod, iadis partie de l'estat du Moldaue, maintenant Sanjacat des Turcs. Plus outre les spacieuses & immenses Seigneuries des Tartares & Moscouites. Parquoy outre noz anciens alliez, avec lesquels nous desirons & nous promettons perpetuelle amitié, vous aurez assez d'ennemis pleins de desloyauté, superstition, infidelité, priez pieça non

ORAIŒON DV SEIGNEVR

Œeulemēt de toute cōmunion d'humanitē, mais auffi de religion: contre leŒquels pourrez guerroyer avec la faueur de tous hommes fideles, & des Saints celeftes, prenant vengeance d'eux pour les dommages qu'ils ont faiēt à la ChreŒtientē, deliurant pluŒieurs miliers de ChreŒtiens, villes, peuples, Prouinces, Royaumes, & les tirant de Œeruitude en libertē. Les cauŒes de guerroyer ne vous defaudent, eux eŒtans de telle condition qu'ils ont accouŒtumē chercher les cauŒes des guerres, garder & rompre la foy & Œerment Œelon l'exigence des affaires. Que diray-ie de la puissance de Poloigne & Lithuanie? ô que noz predeceŒŒeurs ont eŒtē Œages leŒquels ont voulu la richeŒŒe de leurs Roys conŒiŒter, principalement ēs hommes & ēs armes, & ēs reuenus priuez des gendarmes! Et comme l'exercice militaire Œoit à tous eŒtats vtile & louable, meŒmement au noŒtre qui a des le commencement touŒiours eŒtē voiŒin des ennemis communs de la ChreŒtiētē: ils ont ordonnē les principaux hommes de noŒtre Republique; à Œauoir les Nobles pour la guerre, & n'ont permis aucun eŒtre reœu entre eux, qui parauant n'eũŒt faiēt en guerre quelque vaillance. Parquoy en la Poloigne & Lithuanie, tous Nobles Œont appelez tels qu'ils Œont, gendarmes. La NobleŒŒe par noz loix & couŒtumes eŒt la Œemence & Œource du Senat, des Prelats, MagiŒtrats, Iuges. Les Nobles avec le Senat, & les deputez de quelques citez ēliŒent le Roy. Les enuoyez par eux approuuent les loix

*NobleŒŒe
de Poloigne.*

loix. Ils sont tousiours honorez, leurs villes, terres, possessions sont de long temps affrâchées, sans auoir esgard aux finances publiques, & leurs franchises augmentees de Roy en Roy, l'un à l'imitation del'autre. Par lesquelles ordonnances de noz deuanciers il est aduenü, que noz ennemis fort pecunieux, menans contre nous bandes innumerables de gensd'armes choisis & leuez à grand pris d'or, souuent leur premiere impetuosité passée ou euitee, commenceât à leur defaillir argent, les auons vaincus sans effusion de sang, & sans peine. Car quād le Roy de Pologne repoussé la guerre qui luy est faicte, & defend ses frontieres, il peut sans frais leuer iusques à cent mille combattans. Et si de luy mesme il veut se rendre celebre par armes, estimans ses gens l'esperance d'illustrer leur nom, & de laisser memoire d'eux à la posterité, & faire seruice au Roy & à la Republique, plus que la solde & gages, avec peu d'entretien il assemblera grande armée. De quels hommes? premiere-ment des siens non estrangers, & des siens tels qui sont la fleur de la Republique, l'ornement du pais, sçachans combattre non seulement pour repousser les inuasions estrangeres, mais aussi pour leurs foiers, femmes, enfans, pour les armoiries de leurs ancestres, & pour toutes leurs prerogatiues honorables, qu'ils ne peuuent laisser perdre qu'avec la perte de leur reputation. Car ceux-la sont notez d'infamie qui se trouuent lasches au combat, ou qui demeurēt

ORAI SON DV SEIGNEVR

honteusement à leurs maisons, reputez, selon la coutume ancienne, indignes des emolumens & honneurs de la Republique, de l'habitation de leur pais, de toute conuersation & compagnie, voire par leurs plus proches parens, par leurs femmes & enfans, & finalement appelez en iugement pour garde, pour prison, & pour les fers leur est proposee la crainte de deshonneur, & la mort, estimee plus supportable que l'ignominie & turpitude. De maniere que lon a veu souuent noz armees esbranlees, auoir esté arrestees à la grand' merucille des ennemis, par la seule memoire du deuoir & honnesteté: & n'auoir surmonté seulement autres plus-grandes forces, mais aussi l'aspreté des lieux, voire l'iniquité mesme de fortune, s'attribuēt beaucoup és batailles. Noz peres & deuanciers ont monsté en plusieurs endroits, signamment au village de Gruneuald, la cheualerie armee des Reistres, & les esquadrõs fermes & stables des Lansquenets pouuoir estre vaincus. Ils ont monsté la cheualerie Turquoyse legere, & l'obstination des Ianizaires n'estre inuincible, premierement à l'entree de Macedoine, & en plusieurs autres lieux: & dernièrement en la ville de Rohatin, au regne de Sigismond premier. Ils ont monsté en plusieurs batailles n'estre moins vertueux que les Hongres & Bohemiens. Les Moscouites & Tartares, combien que soient nez aux armes, & ne puissent demeurer en repos, nous ont tousiours appresté matiere de gloire.

Nostre

Nostre dernier Roy a esté de tres-bon entendement & aduisé, amateur & bien-faïcteur insigne de la patrie, mais plus addonné à la paix qu'à la guerre. Parquoy semble que n'estans offertes occasions de monstrier la vertu, ou que perdues par sa tardiueté naturelle, n'ayons respondu à la splendeur & grandeur des gestes de noz ancestres: neantmoins le naturel desir du deuoir & honneur, & vaillance de courage, duroit & dure en eux. Car leur estant donné moyen de cōbattre par le Roy, iäçoit que fussent moindres en nombre, iamais ils ne retournerent de la bataille qu'à leur aduantage, & plusieurs ennuyez de la paix domestique, ont cherché dehors occasion de guerroyer, & d'acquérir reputation. Quels furent les courages des gensdarmes Polonnois & Lithuaniens? quel ardeur? quel mespris des coups & de la mort en la bataille, memorable à iamais, de Neue, avec les Moscouites, & en celle de la riuere d'Vle avec eux-mesmes, & en la rencontre pres le village de Morim avec les bandes d'Erry lors Roy de Suece? Quelle alacrité? quelles volonteiz? quels sens és assaults premierement de Taure en Liuonie? puis d'Isborc en Moscouie, & Vle és frontieres de Lithuanie, ou Jean Duc de Moscouie auoit basti vne forteresse? Avec quel desir & impetuosité ont ils souuent pris volontairement les armes pour repousser les Tartares venans courir en nostre pais, ou se venger d'eux? Quoy l'an precedent comme les nostres en petit nombre

ORAIŒON DV SEIGNEVR

remenoient le Bogdan en Moldaue, qui ſeſtoit re-
 uoltee cōtre luy pendant qu'il eſtoit en Ruſſie, quel-
 le reſiſtance feirent-ils à la puiſſance des Turcs &
 Moldaues? quelle tuerie en l'oſt des ennemis? Ce ſe-
 roit choſe infinie de raconter tous les vaillans actes
 que nos genſd'armes ont faiēt parauant, par leſquels
 il appert la vertu des anceſtres n'eſtre eſteincte eſs Po-
 lonois & Lithuaniens. Vous auez donc, SIRE, re-
 couuré ces genſd'armes, ces bandes & ces occasions
 de guerroyer. Outreplus vous auez multitude de
 cheuaux bons à la guerre, facilité de viures, abon-
 dance de bois pour faire nauireſ, & toutes commo-
 ditez à drefſer & entretenir armées par terre & par
 mer. Où pourriez-vous recouurer meilleurs moyēs,
 & plus ſeurs d'exercer voſtre humanité & magnani-
 mité, qu'enuers ceux qui ſçauēt bien faire ſans y eſtre
 contrainctſ par le mal, & qui par ardeur naturelle
 ſont pouſſez à hōneſteté, leſquels encore que ſoient
 libres, & ne puiſſent endurer ſeruitude, eſtiment
 neantmoins le nom Royal, grand & ſainēt. Qui ſont
 chez eux louez de douceur & facilité, & dehors
 d'hospitalité, eſquels ne ſe trouue point de diſſimu-
 lation & ſaintiſe. Qui ſçauent la riचेſſe, puiſſance,
 honneur, eſtre inſtrumens pour entretenir les loix
 & police ancienne, conſeruer & augmenter l'eſtat,
 ſeruir les Roys: non d'arrogance, inſolence, opinia-
 ſtreté. Qui ont touſiours ſainētement & religieuſe-
 ment gardé la foy donnee aux Roys, monſtré amour
 non

non seulement enuers les Roys mesmes, mais aussi enuers leurs enfans, pouruoyans songneusement à leurs commoditez & honneurs. C'est vn signe evident de la bonté & moderatiō des nostres. Qui apres la mort du Roy, taisans les loix, suspendue l'autorité des Magistrats, cessans les iurisdiccions, n'est apparu seulement aucun trouble en l'estat (qui sembloit tres-difficile en l'ambition & auarice de ce siecle) mais aussi toutes inimitiez entreprises pour querelles priuees ont esté remises à la Republique. La iustice n'a esté delaissee à faire, mais peines plus grieues, & supplices plus atroces ont esté constituez contre ceux qui feroient violences: paix a esté assuree au pais, & la voye fermee aux moyens iniques de briguer & aspirer à la Royauté. Et n'est moins evident, qu'en telle dignité & noblesse de Seigneurs ne s'est trouué aucun qui pretendist plustost au gouuernement, qu'à viure esgallement avec les autres. Par où pouuez aussi facilement cognoistre ne se trouuer gens ou personnes, ausquelles les Roys puissent mieux employer leurs bien-faicts, qui les honnorent viuans avec tout deuoir, & ont la memoire des decedez en reuerence & gratitude singuliere. Où sont les Roys qui ayent si grands & tels moyēs de bien faire & donner, que les nostres? & qui iamais ne peuuent estre espuisez, iacoit quē ne cessent iournellement de despartir beaucoup aux leurs? Entre les autres louables coustumes diuinement introduictes, celle sem-

ORAIŒON DV SEIGNEVR

ble auoir beaucoup accru nostre Republique & sa renommee, que d  s le commencement elle a e  t   fondee & establie par noz deuanciers,   n sorte que les biens & honneurs d'icelle ne fussent tant preparez    la posterit  , qu'   la posterit   vertueuse. Ay  s donc ainsi diuis   les biens du Royaume, que les vns fussent priuez, les autres publiques, ils attribuerent partie des publiques au Roy &    la Republique, laissant l'autre plus grande pour exciter & orner l'industrie des personnes, qu'ils ont affect  e aux honneurs & Magistrats, & voulu que comme la dignit   Royale n'est propre d'aucune famille, ils n'appartinssent aussi    quelque petit nombre de familles, ains    tous nobles, qui par entendement & vertu pouuoient bien meriter de la Republique. Il seroit long    reciter toutes les commoditez & honneurs, toutes les Eueschez, & prelatures, tous les Palatinats, toutes les Chastellenies & Capitainies, les offices du Royaume & de la Court, les dignitez de chacun Palatinat & Prouince. Comme donc plusieurs chacun iour par vertu seule montent de bas lieu aux plus haults degrez de l'estat, & paruiennent    grans biens, il adui  t qu'estans les loyers proposez tant & tels, ne defaillent iamais personnages prud  ts & ayman leur patrie, qui hazardent volontiers eux & leurs vies pour l'estat & dignit   de la Republique & amplitude du Royaume. Et pourtant que le Roy par noz loix & coustumes est estimateur & c  seur de la vertu & merites de

Le Roy
estima-

rites de chacun enuers la patrie, dispensateur des loyers susdicts qui sont innumerables, ne luy defaut iamais qu'il ait à donner par chacun iour. Vous avez aussi recouuré matiere digne & conuenante à vostre excellent entendement, & prudence singuliere, que vous traictez, & en laquelle versez ordinairement. Que facilement entendez estre telle en Royaume de si grand longueur & largeur, varieté de personnes & de nations, dont il est constitué, qu'outre la communion de la Republique ont peu de similitude entre elles, vsantes de diuerses langues, regies par différentes loix & mœurs, contigu & prochain à tant de gens, pour la plus part tres-feroces. Je confesse bien nostre Republique auoir esté establee & dressée par noz ancestres de telle maniere, qu'ils ont proposé plusieurs aides aux Rois pour supporter le faix des affaires de celle charge. Car se trouuans en Poloigne deux sortes d'hommes, les vns Plebeiens, les autres Nobles, comme ils eussent ordonné les Plebeiens s'adonner au labeur, pasturages, & tout exercice rustique, aux mestiers & à la marchandise, & pour y vacquer les eussent exemptez de la militie, puis touchant le droit priué, permis aux habitans des villes vsfer de quelques loix dont vsent les peuples de Germanie, avec lesquels ils ont grand commerce. Et destiné les nobles à la militie, & au maniement de la Republique, il fut necessaire en telle multitude de nobles, & en leurs habitatiōs eslongnees & distantes

*teur & remunera-
teur de la
vertu &
merites.*

*Nobles
& ple-
beiens.*

ORAISON DV SEIGNEVR

les vnes des autres, partir le premier Royaume, puis toutes les Seigneuries y adioustees, & acquises par armes, en Palatinats & destroicts, pour pouruoir aux affaires de paix & de guerre. Donques lon milite par les Palatinats & en chacun Palatinat, y a Iurisdiction ordonnees pour rendre droit, ayant chacune Prouince ses Conseils, Magistrats, & quelque forme de Republique. S'il faut statuer quelque cas nouveau au faict de la Republique, ou de la guerre, le Roy absent le faict scauoir en ces Conseils par lettres, & par messagers. De là les deputez avec pouuoirs viennent au conseil grand & commun de toute la Poloigne & Lithuanie, approuuans ou reprouuans les Loix proposees par les Roys. D'auantage est ioinct au Roy le Conseil perpetuel du Senat, lequel est composé des Euesques, Palatins, Chastellains, c'est à dire, des plus apparens personnages du païs, entre lesquels sont distribuees les Prouinces du Royaume & principales charges de la Republique, pour estre regies & conduictes par leur sagesse & auctorité. Le Roy prend l'aduis de ce Senat, quand il faut ordonner quelque cas aux nobles, ou l'auancer hastiuement selon l'occurrence des temps & negoces. Il iuge avec luy des crimes publiques, & a iugé iusques icy toutes les controuerses priuees, qui par appel estoient deuolues à sa maiesté. Comme donc nostre Roy doieue reigler toutes choses selon les loix, & conduire toutes ses actions en la Republique par l'auctorité des

Senateurs:

Senateurs: l'administration du Royaume luy en demeure beaucoup plus facile & aisée. Or comme il soit besoing à l'un & à l'autre estat auoir conducteur & modérateur du souverain conseil, necessairement celuy-la doit estre de grand entendement & bien aduisé, sçauoir toutes loix & coustumes, le droit de chacun peuple obeissant à la couronne, ses conditions & mœurs, estre versé és traictez publiques, entendre les exemples des anciens. Et comme celle cognoissance soit variable & muable, ce n'est moindre prudence cognoistre les entendemens de chaque personne, pour discerner ceux qu'il conuient employer aux seruices necessaires, élire au Senat, donner les benefices, honneurs, charges, magistrats. En quoy il s'agist premierement de la reputation du Roy, puis du salut de l'estat: que le Roy appelle fideles & sçauans Conseillers, coadiuteurs és affaires publiques, & ministres du Royaume. Or ayant senti nostre Republique les incommoditez de la dissension en la religiō ainsi que les autres Prouinces Chrestiennes, esquelles celle diuersité d'opinions de Dieu & de son seruice est paruenue: il est besoing de grand iugement & de grand conseil, pour pouruoir qu'il n'aduienne aucune violence, & que lon ne tombe en discorde & guerre ciuile, qui a n'aguères apporté beaucoup de dommage aux autres Royaumes, & ruineroit le nostre voisin des Barbares, espians attentiuement toute occasion de le destruire. Dauantage

*L'office
du Roy
en Poloi-
gne.*

*Sectes &
partiali-
tez pour
la religiō.*

ORAI SON DV SEIGNEVR

se desirant en nostre estat plusieurs choses non encores commencees, plusieurs corrompues (ainsi que les affaires humains sont fresles & inconstans) lesquelles par raison & conseil doiuent estre reformees, ordonnez les iugemens, & les autres seuretez de l'Empire restituees, ou de nouveau establies. La viuacite de vostre entendement, & vostre diligence seront occupees à entendre & executer tous ces negoces. Par lesquelles louanges tres-vrayes, i'estime nostre Royaume, ou plustost desia le vostre, estre assez recõmande à vous, Prince ne en maison Royale, & ornẽ de vertus Royales.

*Requeste
de la Po-
loigne à
son nou-
ueau Roy*

M A I S ce que nostre patrie attend & se promet de vous, souffrez ie vous supplie l'entendre d'elle par son propos, laquelle estimez vous aduertir, & qu'elle vous parle ainsi: S I R E, vous sentez la charge de la dignite Royale estre grande, iacoit qu'elle escheust par succession, & par les merites des ancestres: mais encore plus grande, & plus puissante, quand elle est deferee par le iugement de ceux qui doiuent obeir. Parquoy ainsi qu'il vous est plus honorable receuoir vn Royaume, non acquis des le berceau, ains donne en pleine cãpaigne par suffrages de gens libres d'entendemens, & ne vous estans aucunement obligez: Vous deuez tant plus veiller & trauailler à faire paroistre à ceux qui vous ont eleu, qu'ils n'ont erre en iugement. Vous auez faict de grandes choses, mais celle charge vous est maintenant offerte, en laquelle
en deuez

en deuez faire de plus grandes, & à moy & à la Republique Chrestienne. Vous avez excité vne attente merueilleuse de vous en toutes terres & nations. Les fauorisans vostre honneur deuinēt, que ne restituez seulement aux miens la louange militaire ancantie par le vice du temps precedent, & vengez les outrages à moy faicts par les Barbares, mais aussi releuez & redressez la Republique Chrestienne affligee: Vos enuieux ne souhaitent rien plus, que cessiez de seruir à la louange & gloire. La France vous est chere, qui vous a engendré & nourri: La France aussi par plusieurs causes vous est obligee, & à vostre race, laquelle a esté souuent par vous aidee & defendue en ses affaires, & continuellement par grand soing cultiuee, & ornee. N'estant prouoquee par aucuns vos merites ou des vostres, ie vous ay eleué au souuerain honneur. Comme donc par l'aduis des sages hommes lon doieue plus aymer la patrie qui a receu, que celle qui a engendré: i'ay confiance que vous seray treschere, vous ayant volontairement appelé, & orné de la dignité Royale. Quand serez chez moy, ie penseray m'estre rendues toutes les excellēces qui reluisoient és Roys precedens. Le haut courage, force & honneur de Boleslas, constance és aduersitez de Vladislas Locticon, moderation és prosperitez d'Vladislas Iagellon, magnificence & iustice de Cazimir le grand, grauité & sagesse de Sigismond, lenité & douceur d'Auguste. Si donc vous me prenez en

ORAIŒON DV SEIGNEVR

amitié, ie les regretteray plus aiŒément. Vous auez monŒtré telle la bonté de voŒtre naturel, que par l'induction de luy Œeul, quand ores il ne Œeroit aŒtraiñct par la reuerēce du Œerment qu'auez donné à mes AmbaŒadeurs, i'eŒpere que n'accomplirez Œeulement les choŒes promiŒes, mais les augmentērez, & employerez toute diligence, Œoing & conŒeil à mon profit & honneur. Me conŒiant en ceŒte eŒperance, ie vous baille & recommande la republique, biens, fortunes, droiçts & liberté des miens. La liberté (dis-ie) des miens, qu'ils ont plus chere que la vie, ie vous baille & recommande, m'aŒŒurant que n'en Œerez moins Œoigneux que de la voŒtre. De laquelle eŒperance, Œi ie dechoy, que Dieu ne permette, ô que ie Œeray non Œeulement miŒerable, mais auŒŒi Œotte, pour me trouuer expoŒee, non tant à la pitié que reproche de pluŒieurs que ie vous ay poŒtpoŒez. Si ie iouy des choŒes attendues de vous, ie ne Œeray Œeulement heureuŒe, mais vous auŒŒi heureux, qui perceurez avec le grand amour des voŒtres, le contentement procedant des beaux faiçts, ioint à l'eŒperance certaine de memoire immortelle, & par la lignee & poŒterité duquel, non Œeulement les miens, mais auŒŒi les Œubieçts d'autres Empires requerront eŒtre dominez. Voyla que la patrie vous demande.

*Priere des
AmbaŒŒa
deurs, &
declara-*

M A I S nous prions & inuoquons D I E U fon-
dateur de tous Royaumes, conŒeruateur & preŒident
Œouuerain, qui par Œa diuinité regit les entendemens
de tous


de tous Roys, que comme il a inspiré les nostres pour vous creer, tous d'un commun accord, Roy, que pareillement il dresse tous vos conseils & actions à la louange de son nom, au salut & commodité nostre, conferue & maintienne vous, & nostre Royaume, qu'il a voulu estre iusques icy tres-beau & tres-florissant. Parquoy executant le mandement qui nous est donné, apres que le Senat, Nobles, & Citez ayans droict d'elire, vous ont suiuant les loix & coustumes anciènes cleu Roy des peuples de Poloigne, Lithuanie, Russie, Prussie, Masouie, Samogitie, Kiouie, Volinie, Podlachie, Liuonie, Nous vous declarons pareillement icy Roy de tous ces peuples (ce que desirons bien & heureusemēt succeder à vostre Magistrat, & à nous, & à nostre Republique) & vous rendons l'acte public de vostre election: & selon la coustume ancienne signifiōs le iour de vostre sacre & couronnement assigné en l'assemblee publique au xv d'Octobre: & prions tresinstamment que vous acheminiez en Poloigne au plustost que pourrez. Lon voit par la disposition des affaires quels orages & tempestes menassent nostre Royaume, qui peuuent estre destournees par vostre seule arriuce. Je perçoy desia en ma pensée l'honneur de ce iour, & esiouissance des nostres quand ils vous verront vestu des habits Royaux au throne Royal, comme quelque homme diuin descendu du Ciel. Ne defaillez, Roy tres-puissant, à vostre Royaume tres-amoureux &


*tion de
l'electio
Royale.*


desireux de vous. Ne delayez la ioye des vostres.
Acheminez vous tost où la diuine volonté par oc-
culte destinee, ou vostre vertu & la faueur des hom-
mes, vous appelle: Par labeur, soing, foy & diligence
obtiendrez d'estre appellé Pere de nostre Republi-
que, & bien tost emplirez le monde de nou-
uelles agreables aux peuples Chrestiens,
& dresserez triumphes tres-illu-
stres des ennemis nostres,
& de la Chrestien-
té, vaincus.

*Pag. 4. ligne 15. lisez, qu'à nous. feull. 3. ligne 12. vraye alliance.
f. 3. p. 2. li. 13. ayans. f. 4. li. 3. Nous sçauons.*









683
at

